

Ta ko kwōn jelā kin myocarditis, pericarditis im wā ko an mRNA COVID

Myocarditis ej ebbōj ilo majel in menono. Pericarditis ej ebbōj ilo ijo tōrerein menono eo. Nañinmij kein ruo emōj kōjellā kaki ilo jidik joñan keij ko alikin aer bōk wā eo an mRNA COVID-19, im elablok an walok ibben likao ro joñan yiō 12-39 jen kora ak kumi ko rerūtto lok joñan yiō ko aer. Wā ko an Pfizer im Moderna rej mRNA. Rikatak ro an wūno im kōmadmōdin taktō ilo obij eo ej bōk eddon kejbarok im bōbrae jen nañinmij (CDC) emōj aer katak kin keij kein im loe ke uwōta eo ñan nañinmij kauwōtata jen COVID-19 elablok im lablok an kauwōtata jen uwōta in bōke juon ian nañinmij in menono kein alikin wā.

Ro ewōr aer kapeel kin taktō rej woñmaanlok in rōjañ an aoleb ro joñan yiō 12 im rūttolok wā kinke:

- COVID-19 emaron kōmman nañinmij kauwōtata im mij ibben aoleb joñan yiō in armij.
- COVID-19 emaron kōmman nañinmij in ejmour iomwin ien aitōk, ekoba jorrāān ñan kōmelij ak jorrāān an jermal ār ibben aoleb joñan yiō in armij.
- Myocarditis im pericarditis elablok aer walok jen juon nañinmij in COVID-19 jen an walok jen wā.
- Uwōta kin jorrāān menono jen COVID-19 emaron lablok an kauwōtata jen am bōk myocarditis ak pericarditis jen wā.
- Jekdoñ juon armij enaj bōke nañinmij kein alikin an wā, eloñ armij renaj make ejmour ak kin kōmadmōd in jibañ ko redik joñaer.
- Mōttan eo an Delta an kij in ej kiō ajeeded emōj lomnak elablok an maron ajeeded jen mōttan ko jet mokta rar ajeeded.
- Wā ko rej lewaj letōk kejbarok im ejejjet aer jermal im kejbarok kij jen nañinmij in COVID-19 eo ekauwōtata.
- Am wā ej kejbarok kwe, ro iturim, im ej jibañ kōbōjrak an ajeeded COVID-19 ilo jukjukinbed eo am.

Ñe ewōr am kajitōk ak abnōnō kin wā ko an COVID-19, kim ej rōjañ am kenono ibben taktō eo am ak jikin eo ej lewaj jibañ in ejmour.

Ñan melele ko relablok kin myocarditis im pericarditis, lale:

- Melele ko Rejimwe jen CDC kin Myocarditis im Pericarditis: <https://www.cdc.gov/coronavirus/2019-ncov/vaccines/safety/myocarditis.html>
- Etale eo an ACIP kin Keij ko: <https://www.cdc.gov/vaccines/acip/work-groups-vast/report-2021-05-24.html>

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsoha.state.or.us